

এইচএসসি'র ফল প্রকাশ : পাসের হার ঢাকায় ৪২.৪৫% কুমিল্লায় ৫০.৮৩%

এইচএসসি'র ফল প্রকাশ
পাসের হার : ঢাকায়
৪২.৪৫% কুমিল্লায়
৫০.৮৩%

কাগজ প্রতিবেদক : এ বছর ঢাকা ও কুমিল্লা বোর্ডের অধিনে অনুষ্ঠিত উচ্চ মাধ্যমিক পরীক্ষায় যথাক্রমে ৪২ দশমিক ৪৫ শতাংশ ও ৫০ দশমিক ৮৩ শতাংশ পরীক্ষার্থী পাস করেছে। গতকাল শনিবার পৃথক পৃথকভাবে এ ফল প্রকাশ করা হয়েছে।

ঢাকা বোর্ড

ঢাকা বোর্ডে মোট ১ লাখ ৫৩ হাজার ৫শ' ৫১ জন পরীক্ষার্থীর মধ্যে পাস করেছে ৬৫ হাজার ১শ' ৮৮ জন। এর মধ্যে প্রথম বিভাগ পেয়েছে ১৫ হাজার ৮শ' ৮৬ জন, দ্বিতীয় বিভাগ ৩৮ হাজার ১শ' ৩৮ ও তৃতীয় বিভাগ ১১ হাজার ১শ' ৬৪ জন।



আসফাক রহমান

বিজ্ঞান বিভাগে সম্মিলিত মেধা তালিকায় প্রথম হয়েছে ঢাকা কলেজের ছাত্র আসফাক রহমান। তার রোল নম্বর ১০৩৬৪২, প্রাপ্ত নম্বর ৯৬৭। মানবিক বিভাগে সম্মিলিত মেধা তালিকায় প্রথম হয়েছে রাইফেলস্ পাবলিক স্কুলের ছাত্রী নাদিয়া রওশান। তার রোল নম্বর ৩০৮৬৬৮, প্রাপ্ত নম্বর ৯১০। বাণিজ্য বিভাগে সম্মিলিত মেধা তালিকায় যুগ্মভাবে প্রথম হয়েছে ঢাকা কমার্স কলেজের ছাত্রী হুমায়রা মতিন ও রাবেয়া বেগম। তাদের রোল নম্বর যথাক্রমে ৫০৭৮০৯ ও ৫০৯০০৯, প্রাপ্ত নম্বর ৮৪৭।

ঢাকা বোর্ড কর্তৃপক্ষের দেয়া পরিসংখ্যানে দেখা গেছে, এ বছর এইচএসসি পরীক্ষার্থীদের মধ্যে বিজ্ঞান বিভাগে পাসের হার সবচেয়ে বেশি। এ বিভাগে মোট ২৮ হাজার ৫শ' ১২ জন পরীক্ষার্থীর মধ্যে পাস করেছে ১৭ হাজার ৬শ' ৪৮ জন। পাসের হার ৬১ দশমিক ৯০ শতাংশ। এ বিভাগে

ছেলেদের পাসের হার ৬১ দশমিক ২ শতাংশ ও মেয়েদের ৬৪ দশমিক ২২ শতাংশ। উত্তীর্ণদের মধ্যে প্রথম বিভাগ পেয়েছে ৮ হাজার ৪শ' ২৫ জন, দ্বিতীয় বিভাগ ৮ হাজার ৪শ' ৯৬ জন ও তৃতীয় বিভাগ ৭শ' ২৭ জন। মানবিক বিভাগে ৯৫ হাজার ৫শ' ৯৩ জন পরীক্ষার্থীর মধ্যে পাস করেছে ৩৪ হাজার ৯১ জন। পাসের হার ৩৫ দশমিক ৬৬। এ বিভাগে ছেলেদের পাসের হার ৩৩ দশমিক ১৬ ও মেয়েদের ৩৮ দশমিক ৪৩। মোট প্রথম বিভাগ পেয়েছে ৪ হাজার ১শ' ১৯ জন। দ্বিতীয় বিভাগ ২১ হাজার ১শ' ১৩ জন ও তৃতীয় বিভাগ ৮ হাজার ৮শ' ৫৯ জন।

বাণিজ্য মোট পরীক্ষার্থী ছিলো ২৯ হাজার ৪শ' ৪৬ জন। পাস করেছে ১৩ হাজার ৪শ' ৪৯ জন। পাসের হার ৪৫ দশমিক ৬৭ শতাংশ। ছেলেদের পাসের হার ৪৪ দশমিক ৮ ও মেয়েদের ৫৭ দশমিক ৬৩ শতাংশ। এ বিভাগে প্রথম বিভাগ পেয়েছে ৩ হাজার ৩শ' ৪২ জন, দ্বিতীয় বিভাগ ৮ হাজার ৫শ' ২৯ ও তৃতীয় বিভাগ ১ হাজার ৫শ' ৭৮ জন।

বিজ্ঞান, মানবিক ও বাণিজ্য বিভাগে মোট ছেলে পরীক্ষার্থীর সংখ্যা ৯৬ হাজার ৮শ' ৭৩ জন। মেয়ের সংখ্যা ৫৬ হাজার ৬শ' ৭৮ জন। পাসের হার ছেলেদের ৪২ দশমিক ৪ ও মেয়েদের ৪৩ দশমিক ১৭ শতাংশ।

পাস করেছে ছেলেদের মধ্যে ৪০ হাজার ৭শ' ২২ জন ও মেয়েদের মধ্যে ২৪ হাজার ৪শ' ৬৬ জন। তিন বিভাগে ছেলেদের মধ্যে প্রথম বিভাগ পেয়েছে ৯ হাজার ৯শ' ৭ জন, দ্বিতীয় বিভাগ ২৪ হাজার ১শ' ২৩ জন ও তৃতীয় বিভাগ ৬ হাজার ৬শ' ৯২ জন।


মেয়েদের মধ্যে প্রথম বিভাগ পেয়েছে ৫ হাজার ৯শ' ৭৯ জন, দ্বিতীয় বিভাগ ১৪ হাজার ১৫ ও তৃতীয় বিভাগ ৪ হাজার ৪শ' ৭২ জন।

কুমিল্লা বোর্ড

এ বছর কুমিল্লা বোর্ডের অধিনে অনুষ্ঠিত উচ্চ মাধ্যমিক পরীক্ষায় ৫০ দশমিক ৮৩ শতাংশ পরীক্ষার্থী পাস করেছে। বোর্ডে মোট ১ লাখ ১২ হাজার ৬৩৬ জন পরীক্ষার্থীর মধ্যে পাস করেছে ৫৭ হাজার ২৪৯ জন।

উত্তীর্ণদের মধ্যে প্রথম বিভাগ ৭ হাজার ৮৯২ জন, দ্বিতীয় বিভাগ ৩৭ হাজার ৫৩৪ জন ও তৃতীয় বিভাগ ১১ হাজার ৮২৩ জন পেয়েছে।

বিজ্ঞান বিভাগে সম্মিলিত মেধা তালিকায় প্রথম হয়েছে ফৌজদারহাট ক্যাডেট কলেজের ছাত্র আসিফ মাহবুব। তার রোল নম্বর ১০৭৭১৪, প্রাপ্ত নম্বর ৯৩২। মানবিক বিভাগে সম্মিলিত মেধা তালিকায় প্রথম হয়েছে সিলেট ক্যাডেট কলেজের ছাত্র শাহনুর আহমেদ খান। তার রোল নম্বর ৩০৪১৮৯, প্রাপ্ত নম্বর ৮৫৭। বাণিজ্য বিভাগে সম্মিলিত মেধা তালিকায় প্রথম হয়েছে চট্টগ্রাম পাবলিক স্কুল ও



আসিফ মাহবুব

কলেজের ছাত্রী কাজী ফারহানা হক। তার রোল নম্বর ৫০৫৯৬৪, প্রাপ্ত নম্বর ৭৮৯।

কুমিল্লা বোর্ড কর্তৃপক্ষের দেয়া পরিসংখ্যান অনুযায়ী এ বছর এইচএসসি পরীক্ষার্থীদের মধ্যে বিজ্ঞান বিভাগে পাসের হার সবচেয়ে বেশি। এ বিভাগে মোট ১৯ হাজার ৫৯৯ জন পরীক্ষার্থীর মধ্যে পাস করেছে ১৩ হাজার ১২৮ জন। পাসের হার ৬৬ দশমিক ৯৮ শতাংশ। এ বিভাগে ছেলেদের পাসের হার ৬৭ দশমিক ২০, মেয়েদের ৬৬ দশমিক ১৫ শতাংশ। উত্তীর্ণদের মধ্যে প্রথম বিভাগ ৫ হাজার ৭৬৭ জন, দ্বিতীয় বিভাগ ৬ হাজার ৯৬০ জন ও তৃতীয় বিভাগ ৪০১ জন পেয়েছে।

বাণিজ্য বিভাগে ২০ হাজার ৪৮৮ জন পরীক্ষার্থীর মধ্যে ১১ হাজার ৬১৬ জন পাস করেছে। পাসের হার ৫৬ দশমিক ৭০ শতাংশ। এ বিভাগে মেয়েদের পাসের হার ৬৪.৩২,

বাকি অংশ এক মেধাতালিকা ২-এ পাঠ্য

প্রথম পাতার পর
ছেলেদের ৫৫ দশমিক ৯৭ শতাংশ। মোট প্রথম বিভাগ ৮৭১ জন, দ্বিতীয় বিভাগ ৮ হাজার ৪০৭ জন ও তৃতীয় বিভাগ ২ হাজার ৩৩৮ জন পেয়েছে।

মানবিক বিভাগে মোট পরীক্ষার্থী ছিলো ৭২ হাজার ৫৪৯ জন। এর মধ্যে পাস করেছে ৩২ হাজার ৫০৫ জন। পাসের হার ৪৪ দশমিক ৮০ শতাংশ। ছেলেদের পাসের হার ৪৫ দশমিক ০৮ ও মেয়েদের পাসের হার ৪৪ দশমিক ৪৮ শতাংশ। মানবিক বিভাগে প্রথম বিভাগ ১ হাজার ২৫৪ জন, দ্বিতীয় বিভাগ ২২ হাজার ১৬৭ জন ও তৃতীয় বিভাগ ৯ হাজার ৮৪ জন পেয়েছে।

বিজ্ঞান, মানবিক ও বাণিজ্য বিভাগে মোট ছেলে পরীক্ষার্থীর সংখ্যা ৭৩ হাজার ২৬৯ জন। এর মধ্যে পাস করেছে ৩৮ হাজার ৫০৯ জন। পাসের হার ৫২ দশমিক ৫৬ শতাংশ। ছেলেদের মধ্যে প্রথম বিভাগ ৫ হাজার ৭২৩ জন, দ্বিতীয় বিভাগ ২৫ হাজার ২৪৭ জন ও তৃতীয় বিভাগ ৭ হাজার ৫৩৯ জন পেয়েছে।

তিন বিভাগে মোট মেয়ে পরীক্ষার্থীদের সংখ্যা ছিলো ৩৯ হাজার ৩৬৭ জন। এদের মধ্যে পাস করেছে ১৮ হাজার ৭৪০ জন। পাসের হার ৪৭ দশমিক ৬০ শতাংশ। এদের মধ্যে প্রথম বিভাগ পেয়েছে ২ হাজার ১৬৯ জন, দ্বিতীয় বিভাগ ১২ হাজার ২৮৭ জন ও তৃতীয় বিভাগ পেয়েছে ৪ হাজার ২৮৪ জন।

কুমিল্লা বোর্ডের এক ঘোষণায় বলা হয়েছে, প্রকাশিত ফলাফলে কোনো ভুলত্রুটি দেখা গেলে তা ফল প্রকাশের ৩০ দিনের মধ্যে বোর্ডের পরীক্ষা নিয়ন্ত্রককে লিখিতভাবে জানাতে হবে। অন্যথায় এ ব্যাপারে বোর্ড কর্তৃপক্ষের কোনো দায়িত্ব থাকবে না।